

第七十冊

卷一百二十一

庶政考一

卷一百二十二

庶政考二

新纂雲南通志

盧

漢

題

簽





新纂雲南通志卷一百二十一目錄

庶政考一

全省文武官職之遞嬗一

兩漢

刺史 牧 從事

郡守 丞 長史 功曹 從事

郡尉

縣令 丞 尉

學官

鹽官 鐵官

三國蜀漢

牧 刺史 從事

太守 府丞

都督

晉

都督

刺史

郡守

都尉

治中 從事 功曹

縣令 尉

裨將

宋

都督

刺史

郡守 丞等

縣令等

齊

都督 刺史 縣令

北郡 縣

都尉 校尉

梁

刺史

郡史縣

北魏

都督

北周

都督

隋

總管

刺史

唐

諸使

宋都督

刺史補太守補巡官

縣令大興

郎將官

元補

行御史臺

肅政廉訪司

行中書省補

宣慰司

都元帥府同

宣撫司同

安撫司

招討司

諸路萬戶府

儒學提舉司

運轉司

諸路總管府

散府

諸州

諸縣

權稅官

撫治大理

雲南諸路規措所

雲南行樞密院

庶政考一

其言學誠謂方志當別爲三書掌故其一也其言曰掌故者通志所
考之核實也吾司馬遷與天官河渠禮樂平準諸篇皆體大難知
其精矣自成一家之言使善讀者可挹而致也至於博書掌故之書
不暇求備故於補書贊曰雖立之事則有司在蓋猶及魏朝備禮儀
事法雖何律令張蒼章程之屬掌故具有史官不可以累體要也
班固書志不及補錄名數道故然也當時惜無劉秩杜佑其人
與諸司職掌自爲一代成憲與史相輔而行故使後天觀肇千百年
後故於前直以爲兩書會要誠不免於挂一而漏萬矣自唐宋以後
正史之外皆有典文會要以爲之補故與補志雖世而益詳也方志

兵部

兵部尚書

兵部侍郎

兵部主事

兵部經歷

兵部照磨

兵部筆帖

兵部庫子

兵部管倉

兵部管倉

兵部管倉

新纂雲南通志卷一百二十一

庶政考一

昔章學誠謂方志當別爲三書掌故其一也其言曰掌故者通志諸考之核實也昔司馬遷撰天官河渠禮樂平準諸篇皆總擷大意掇其精英自成一家之言使善讀者可挹而致也至於簿書器數之詳不暇求備故於禮書贊曰籩豆之事則有司存蓋指叔孫朝儀韓信軍法蕭何律令張蒼章程之屬掌故具存史官不可以累體要也馬班八書十志不及簿錄名數道故然也當時惜無劉秩杜佑其人刪輯諸司職掌自爲一代成憲與史相輔而行故使徐天麟輩千百年後掇拾補苴以爲兩漢會要誠不免於挂一而漏萬矣自唐宋以後正史之外皆有典故會要以爲之輔故典籍至後世而益詳也方志

諸家則猶合史氏文裁與官司案牘混而爲一文士欲掇菁華嫌其蕪累有司欲求故事又恐不詳陸機所謂離之則雙美合之則兩傷也惟於志文之外別爲掌故一書則例義清而體要得矣章氏之意善矣而未盡也何者通志哀集地方之掌故於自然地理而外繼之以經濟地理並及於政治軍學制度誠非臚列簿書猶夫米鹽醬菜之登錄簿而已是宜別擇其體制有同於會典會要然亦不必與方志別爲兩書茲輯庶政考於官制鄉飲孝廉方正廕襲戶籍保甲以及清末警察諮議局之沿革詳乎言之而於軍制學制等則別爲考以符體例云

全省文武官職之遞嬗一

兩漢

刺史 牧 從事

秦置監察御史漢興省之至惠帝三年遣御史監三輔郡所察凡九條監者二歲更之其後諸州復置監察御史文帝十三年乃遣丞相

史出刺並督監察御史

鄭樵通志職官略

武帝元封五年初置部刺史掌奉詔條秩六百石員十三人成帝綏和元年更名牧秩二千石哀帝建平二年復為刺史元壽二年復為

牧 漢書百官公卿表

建武十八年罷州牧置刺史

後漢書光武帝本紀

中平五年改刺史新置牧

後漢書靈帝本紀

諸州常以八月巡行所部郡國錄囚徒考殿最初歲盡詣京都奏事
中興但因計吏皆有從事史假佐其功曹從事為治中從事益州部

郡國十二續漢書百官志

郡守 丞 長史 功曹 從事

郡守秦官秦滅諸侯以其地為郡置守丞尉各一人守治民丞佐之

尉典兵

馬端臨文獻通考

郡守掌治其郡秩二千石有丞邊郡又有長史掌兵馬秩皆六百石

漢書百官公卿表

中平二年秋七月更郡守為太守

漢書景帝本紀

每郡置太守一人二千石丞一人郡當邊戍者丞為長史

續漢書百官志

元帝時條州大小為設吏員別駕治中從事諸郡從事秩六百石後

漢改曰別駕從事史

唐六典

王莽改太守曰大尹後漢重其任或以尚書令僕射出為郡或自郡

守入為三公杜佑通典

功曹主選署功勞續漢書百官志

凡郡國皆掌治民進賢勸功決訟檢姦嘗以春行所主縣論課殿最

歲盡遣吏上計并舉孝廉郡口二十萬舉一人續漢書百官志

元鼎中定西南夷始置郡縣官漢書武帝本紀

郡尉

郡尉掌佐守典武職甲卒秩比二千石漢書百官公卿表

孟康曰郡尉都尉也師古曰本謂之郡尉高帝紀註

中二年秋七月更郡尉為都尉漢書景帝本紀

武帝元鼎六年置犍為越巂益州牂柯等郡屬國都尉掌諸官卒徒

武事秩比二千石常璩華陽國志南中志

建武六年省諸郡都尉唯邊郡置都尉及屬國都尉續漢書百官志

永平十二年置永昌郡罷益州西部都尉後漢書明帝本紀

縣令 丞 尉

縣令長皆秦官掌治其縣萬戶以上為令秩千石至六百石減萬戶為長秩五百石至三百石皆有丞尉秩四百石至二百石是為長史

漢書百官公卿表

大縣丞左右尉所謂命卿三人小縣一尉一丞命卿二人又三邊始

武帝所開縣戶數百或為令漢官儀

凡縣邑道令長皆掌治民顯善勸義禁姦罰惡理訟平賊恤民時務秋冬集課上計於所屬郡國凡縣主蠻夷曰道又丞署文書典知倉

獄尉主盜賊又各署諸曹掾史略如郡員續漢書百官志

學官

武帝時天下郡國皆立學校官自文翁始

漢書文翁傳

元始三年夏立學官郡國曰學縣道侯邑國曰校校學置經師一人

鄉曰庠聚曰序序庠置孝經師一人

漢書平帝本紀

鹽官 鐵官

凡郡縣出鹽多者置鹽官主鹽稅出鐵多者置鐵官主鼓鑄

續漢書百官志

元封元年桑弘羊領大農斡天下鹽鐵請置大農部丞數十人分部

主郡國名往往置均輸鹽鐵官

續漢書食貨志

郡國鹽官鐵官本屬司農中興皆屬郡縣

續漢書百官志

案史記云秦時常頽畧通五尺道諸此國頗置吏是為滇中置官

吏之始西南夷傳云元封二年西南夷舉國降請置吏入朝於是

以爲益州郡賜滇王王印復長其民是爲滇人治滇並置州郡之
始漢書云昭帝六年詔以鉤町侯毋波率其邑君長人民擊反者
有功立以爲鉤町王又云成帝河平二年夜郎王興句町王禹漏
臥侯俞相攻殺後陳立爲牂柯太守誅興禹乃降又云庸部牧李
翬擊蠻夷若豆等後漢書云光武建武十四年邛穀王長貴遣使
上三年計天子即授以越儻太守印綬又云光武二十七年哀牢
賢栗等率種人戶二千七百七十口萬七千六百五十九詣越儻
太守鄭鴻降求內屬封賢栗等爲君長又云明帝永平元年以張
翕爲益州太守華陽國志云哀牢柳貌遣子奉獻乃置郡以鄭純
爲太守寧州之極西南也又李元陽通志云永平十二年以西部
都尉鄭純爲永昌太守又後漢書云永平中益州刺史梁國朱輔

好立功名慷慨有大畧在州數歲宣示漢德威懷遠夷又後漢西南夷傳云永和元年以王阜爲益州太守又安帝紀云元初五年秋七月越嶲蠻夷及旄牛豪叛殺長吏燔城邑益州刺史張喬討破降之又靈帝紀云熹平五年夏四月益州郡夷叛太守李暉討平之又袁宏後漢紀云熹平五年永昌太守曹鸞上書訟黨人檻車徵棄市又蜀志李恢傳云爨習爲建伶令又蜀志云章武元年以李恢爲庾降都督使持節領交州刺史住平夷縣又通鑑云後主建興元年益州郡耆帥雍闓等反殺太守正昂求附於吳吳以闓爲永昌太守又南中志云呂凱爲雲南太守又張翼傳云九年張翼爲庾降都督馬忠傳云十一年南夷豪帥劉胄反徵庾降都督張翼還以忠代翼遂斬胄南土平又霍峻傳云霍弋爲參軍庾

降屯賦貳都督綜上諸書則自秦漢以迄蜀漢滇未嘗一日不置官吏也李賢後漢書註謂雖有官吏仍以其君長爲侯王使主其種類而李元陽通志亦謂守令治其人酋長世其官不相凌辱顧炎武肇域志亦云晉宋齊梁陳隋皆以守令治其人酋長世其官此滇中官制遞嬗之特異者故甄采諸說以備本末

三國蜀漢

牧 刺史 從事

獻帝建安十九年先主入益州仍置益州牧

常曠華陽國志

後主建興中置御史中丞本秦官也外督部刺史

晉書職官志

置州刺史置參軍

三國蜀志

置部郡國主簿功曹從事

馬端臨文獻通考

太守 府丞

分置益州犍為越巂牂柯永昌諸郡太守置府丞常璩華陽國志

建興三年改益州郡為建甯郡分建甯永昌郡為雲南郡又分建甯

牂柯為興古郡三國蜀志後主傳

都督

後主時置將軍置庾降都督副都督置五部都尉置領軍監軍常璩華陽國志南中

志

後主時縣道令長丞尉皆如漢制舊雲南通志

晉

都督

持節都督無定員都督諸軍為上監諸軍次之督諸軍為下使持節

爲上持節次之假節爲下使持節得殺二千石以下持節殺無官位

人若軍事得與使持節同假節惟軍事得殺犯軍令者晉書職官志

太和九年置太都督十五州諸軍事晉書廢帝本紀

刺史

泰始七年分益州之建甯雲南永昌興古四郡置甯州刺史本屬庾隆晉書武帝本紀

太康三年罷甯州刺史三年一入奏事常璩華陽國志太康五年罷甯州諸郡

置南夷校尉持節統兵晉書武帝本紀

惠帝太安元年復置甯州增統牂柯益州朱提合七郡爲刺史常璩華陽國志南中

志

光熙元年置領南夷龍驤參軍置將軍領南夷護軍常璩華陽國志南中志

元帝永昌元年改南夷校尉爲鎮蠻校尉晉書職官志

咸康四年分益州置安州刺史晉書成帝本紀咸康四年分牂柯夜郎朱提越

嶠四郡置安州八年又罷并甯州以越嶠還屬益州省永昌郡焉晉書地理志

志

郡守

郡皆置太守諸王國以內史掌太守之任晉書職官志

太安二年分建甯別立益州郡太守永嘉二年改益州郡曰晉甯分

牂柯立平夷二郡屬甯州置守晉書地理志

永嘉五年割興古雲南為西平郡置守分永昌為東河陽郡置守宋書州郡志

志

分建甯永昌為雲南郡置守晉太康地志南郡立興甯縣置守晉太康地志

元帝建武元年割建甯新定興遷二縣新立平樂三沮二縣合四縣

為平夷郡復太守

常璩華陽國志南中志

成帝分河陽立西河郡置守分雲南郡立興甯郡置守

晉太康地志

都尉

惠帝太安二年置五部都尉

常璩華陽國志南中志

治中 從事 功曹

武帝太康十年置別駕治中從事

常璩華陽國志

惠帝光興元年置甯州治中

常璩華陽國志

懷帝永嘉四年置郡功曹

常璩華陽國志

朱提郡置部從事一人

晉書職官志

縣令 尉

縣大者置令小者置長大縣置尉二人小縣置尉一人

晉書職官志

懷帝永嘉五年置滇池同勞同安連然毋單秦臧各縣俱置令常璩華陽志

元帝建武元年置平夷營縣令尉常璩華陽志

成帝咸和八年栲棟縣置令尉常璩華陽志

裨將

太甯元年置裨將晉書明帝本紀

宋

都督

都督中外尤重宋氏人臣無居者又有都督諸州軍事者則為常職

舊曰監某州諸軍事文帝即位改監為都督鄭樵通志職官略

刺史

刺史州各一人行部有別駕從事史治中從事史主簿西曹諸佐祭

酒從事史議曹從事史部郡從事史自主簿以下各隨州舊無定制
別駕西曹主吏及選舉事治中主衆曹文書事祭酒分掌諸曹牧二
千石刺史六百石

宋書百
官志

郡守 丞等

郡守治民丞佐之郡當邊戍者丞爲長史尉典兵備盜賊官屬略如
公府無東西曹有功曹史主選舉五官掾主諸曹事部縣有督郵門
亭長又有主記史催督期會諸郡各有舊俗諸曹名號往往不同歲
遣掾史各一人條上郡內衆事太守二千石丞六百石

宋書百
官志

縣令等

縣令長秦官也大者爲令小者爲長置丞一人尉大縣二人小縣一
人縣令千石至六百石長五百石

宋書百
官志

元嘉二十七年制交甯二州假板郡縣俸祿聽依臺除

宋書文帝本紀

齊

都督 刺史

晉世州牧隆重刺史任重者為使持節都督輕者為持節督非要州

則單為刺史州置別駕治中議曹文學祭酒諸曹部從事史

齊書百官志

郡 縣

郡置太守內史太祖建元三年置安上郡官武帝永明二年置南轅

為郡官五年置益甯郡官甯州置建甯郡官置永昌郡官鬱林王隆

昌元年置犍為永興永甯安甯四郡官海陵王延興元年主東朱提

郡置守

齊書百官志

甯州建平郡治同樂縣

齊書州郡志

縣置令相郡縣爲國者爲內史相皆置丞尉齊書百官志

都尉 校尉

永明五年置北部都尉 又置鎮蠻校尉隸甯州齊書百官志

梁

刺史

梁官班多同宋齊之舊州刺史二千石州置別駕治中從事各一人主部西曹議曹從事祭酒從事文學從事各因其州之大小而置員

隋書百官志

郡 縣

郡置太守置丞國曰內史郡丞三萬戶以上置佐一人縣爲國曰相大縣爲令小縣爲長皆置丞尉郡縣置吏亦各准州法以大小而制

員隋書百官志

北魏

都督

皇始元年初建省臺置百官北魏書武帝本紀

太祖天興元年詔吏部郎鄧淵典官制立爵品 又都督中外諸軍

事第一品下都督府州諸軍事從第一品上都督三州諸軍事第二

品上 又前世職次皆無從品魏氏始置之亦一代之別制也北魏書官氏志

北周

都督 刺史 總管

周制授柱國大將軍開府議同者竝加使持節大都督其開府又加車騎大將軍散騎常侍其授總管刺史則加使持節諸軍事以此為

常靜帝大象元年詔總管刺史及行兵者加持節餘悉罷之

北周書
盧辯傳

隋

總管

隋文帝以并荆益揚四州置大總管其餘總管府置於諸州

鄭樵通志
職官略

州置總管者列為上中下三等總管刺史加使持節

隋書百
官志

煬帝大業三年罷諸總管

隋書百
官志

刺史

上上州置刺史長史司馬錄事參軍事功曹戶兵等曹參軍事法士

曹等行參軍行參軍典籤州都光初主簿郡正主簿西曹書佐祭酒

從事部郡從事倉督市令丞等員并佐史合三百二十三人上中州

減上州吏十二人以次遞減

隋書百
官志

場帝即位三年定令刺史十四人巡察畿外諸郡從事四十人副刺史巡察所掌六條每年二月乘輅巡郡縣十月入奏置丞主簿錄事

各一人隋書百官志

隋初置昆州刺史尋廢

舊雲南志

案晉武帝本紀云泰始七年分益州之建甯雲南永昌興古四郡

置甯州刺史以鮮于嬰為刺史又南中志云太康三年罷甯州置

南夷校尉以天水李毅為校尉又南中志云凱子祥太康中獻光

珠五百斤還臨本郡遷南夷校尉又南中志云光熙元年李毅卒

文武奉毅女李秀領州事又南中志云懷帝永嘉元年除王遜為

南夷校尉甯州刺史又南中志云永昌元年尹奉為甯州刺史南

夷校尉又晉書職官志云永昌元年改南夷校尉為鎮蠻校尉又

通鑑云九年李雄分甯州置交州以霍彪爲甯州刺史爨深爲交
州刺史又歷年傳云孝武寧康元年苻秦以姚萇爲甯州刺史領
西蠻校尉又康熙志云太元五年苻秦以姜宇爲甯州刺史南中
屬秦又歷年傳云元興二年甯州刺史毛璠起兵討桓玄又大爨
碑云宋文帝元嘉九年州土擾亂晉甯太守龔邛都縣侯爨龍顏
肅清之遷本號龍驤將軍護鎮蠻校尉甯州刺史又宋書文帝紀
云十八年晉甯爨松子舉兵反甯州刺史徐循討平之又通鑑綱
目云梁武帝天監十三年殺甯州刺史李略又隋書梁睿傳云北
谷周遙授爨瓚南甯州刺史又隋書史萬歲傳云爨翫爲昆州刺史
又呂祖謙標目云十五年置益州總管綜上諸書官制置廢不常
地名亦異然皆沿兩漢之制漢流雜治自晉至隋二百餘年間亦

文武將吏遞嬗之林矣

唐

貞觀二十諸使

貞觀初遣大使十三人巡行天下諸州有巡察安撫存撫之名神龍

二年以二十人為十道巡察使按舉州縣再周而代景雲三年置都

督二十四人察刺史以下善惡置司舉從事二人秩比侍御史當時

以為權重難制罷之置十道按察使道各一人開元二年曰十道按

察採訪處置使二十年分十五道天寶末又兼黜陟使乾元元年改

曰觀察處置使唐書百官志

唐分天下州縣制為諸道每道置使治於所部即採訪等使其邊地

加以旌節謂之節度使景雲二年始以涼州都督充節度使其後諸

州因同此號得以軍事專殺外任之重莫比焉

杜佑通典

本皆兼度支營田使有副使一人行軍司馬一人申習法令判官二人分判倉兵騎胄四曹事副使及行軍司馬通署掌書記一人掌表奏書檄參謀或一人或二人參預畫策隨軍四人分使出入開元中凡八節度使後更增加兼改名號至德以來諸道皆衆兵增節度使爲二十道

鄭樵通志職官略

至德後大郡要害之地置防禦使以治軍事刺史兼之不賜旌節上元後改防禦使爲團練守提使有副使判官

舊唐書職官志

貞元二十一年鹽鐵度支合爲一使

舊唐書食貨志

唐因隋制諸州總管加號使持節後改大總管爲大都督永徽以後除都督帶使持節即是節度使不帶者否 又天寶初置十節度經

略使以備邊劍南節度使西枕吐蕃南撫蠻獠平戎昆明甯姚諸州

之境治益州馬端臨文獻通考

節度使若朝覲則別置留後杜佑通典

都督

武德元年開南中置南甯州昆州等諸蠻州置都督府隸戎州又置

劍南採訪使治益州四年置姚州都督府隸姚州唐書地理志

永徽中置郎州道行軍總管劍南益州巡察等官唐書南蠻傳

都督掌督諸州兵馬甲械城隍鎮戍糧粟總判府事武德初邊要之

地置總管以統兵加號使持節益漢刺史之任七年改總管曰都督

總十州者為大都督凡都督府刺史以下如故大都督又竝刺史而

下檢校州事唐書百官志

刺史 太守 巡官

武德改郡爲州州置刺史天寶改州爲郡郡置太守乾元元年改郡

爲州州置刺史

舊唐書
職官志

州郡史守更相爲名其實一也開元中定天下州府爲雄望緊上中
下之差至德之後諸州始有兵鎮刺史皆如團練使其任重矣

杜佑
通典

唐州佐使有別駕長史司馬一人錄事參軍司功司倉司兵司法司
士等六參軍州置一員參軍事各有差經學博士一員醫藥博士一

員凡以州大小而爲增減

鄭樵通志
職官略

都督刺史掌考覈官吏撫和齊民每歲一巡屬縣別駕長史司馬掌
貳府州之事以綱紀衆務通判列曹司錄二事參軍掌勾稽功曹司
功倉曹司倉戶曹司戶兵曹司兵法曹司法士曹司士市令掌市廛

經學博士掌教授醫藥博士救民疾病下至執刀白直典獄佐史各

有其職舊唐書
職官志

德宗置巡官周書南
蠻傳

縣令

唐縣有赤畿望緊上中下之差縣令各一人杜佑
通典

唐縣有令而置七司一如郡制丞為副貳主簿上轄尉分理諸曹錄

事省受符歷佐史行其簿書鄭樵通志
職官略

開元二十六年敕州縣每鄉之內各置一學仍擇師資令其教授馬端
臨文

獻通
考

諸縣令之職皆掌導揚風化撫字黎甿舊唐書
職官志

郎將

永徽中置姚州郎將

唐書南蠻傳

案滇自天寶十三年閣羅鳳叛後聲教不至地淪於蠻貞元中雖復與通册立異牟尋爲王而南詔已自爲一國矣五代及宋秩官無聞謹以元統繼焉

又案唐書云唐高祖武德元年以爨翫子宏達爲昆州刺史又通鑑云七年以韋仁壽爲南甯州都督又唐書南蠻傳云太宗貞觀元年以爨歸王爲南甯州都督居石城又蠻書云授盛羅皮特進臺登郡王知沙壺州刺史又通鑑云開元二十六年九月册封南詔蒙歸義爲雲南王又蠻書云授皮羅閣長男閣羅鳳特進兼陽瓜州刺史次男成節度蒙舍州刺史次男崇江東刺史又通鑑云天寶六年雲南王歸義卒子閣羅鳳嗣以其子鳳伽異爲陽瓜州

刺史又德化碑云七年以黎敬義爲中使册立閣羅鳳爲雲南王
又舊唐書云授輔曾檢校太子詹事兼御史中丞又新唐書云憲
宗元和二年遣使鄧榜傳來朝授試殿中監綜上諸書知南詔在
唐雖叛服不常然使命往還不斷如帶其文武官制猶可想見云
元

行御史臺

至元二十七年始置雲南諸路行御史臺官止四員大德元年移雲
南行臺於京兆爲陝西行臺而雲南改立廉訪司延祐元年罷二年
復立統漢中隴北四川雲南四道定置大夫一員從一品御史中丞二員
正二品侍御史二員從二品治書侍御史二員從二品經歷一員都事一員照磨一
員架閣庫管勾一員承發司管勾兼獄丞一員掾史一十二人蒙古

必闍赤二人回回掾史一人通事二人知印一人宣使十人典史五人庫子二人元史百官志

肅政廉訪司

至元十二年以雲南七路雲南道提刑按察司二十四年罷雲南道二十七年以雲南按察司所治立雲南行御史臺二十八年改按察司曰肅政廉訪司大德元年徙雲南行臺於陝西復立雲南道肅政廉訪司廉訪使二員正三品副使二員正四品僉事四員正五品經歷一員從七品知事一員正八品照磨兼管勾一員正九品書吏十二人譯史通事各一人奏差五人典吏二人元史百官志

雲南諸路道中慶路置司

元史百官志

每道設八員除二使留司以總制一

道餘六人分臨所部爲民事錢糧官吏一切奸弊悉委之歲終省臺

遣官考其功效王圻續文獻通考

行中書省

行中書省秩從一品掌國庶務統郡縣鎮邊鄙與都督為表裏國初有征伐

之役分任軍民之事皆稱行省未有定制中統至元間始分立行中

書省因事設官官不必備皆以省官出領其事其丞相皆以宰執行

某處省事繁衝其後嫌於外重改為某處行中書省凡錢糧兵甲屯

種漕運軍國重事無不領之至元二十四年改行尚書省尋復如舊

至大二年又改行尚書省二年復如舊每省丞相一員從一品平章二員

從二品右丞二員左丞一員正二品參知政事二員從二品郎中二員從五品員外郎二

員從六品都事二員從七品掾史蒙古必闍赤回回令史通事知印宣使各省

設員有差舊制參政之下有簽省有同簽之屬後罷不置丞相或置

或不置尤慎於擇故往往缺焉 又屬官檢校所檢校一員從七品書吏

二人照磨所照磨一員正八品架閣庫管勾一員正八品理問所理問二員正四品

副理問二員從五品知事一員提控案牘一員都鎮撫司都鎮撫一員副

都鎮撫一員 又雲南等處行中書省即古南詔之地初世祖征取

以為郡縣嘗封建宗王鎮撫其軍民至元十一年始置行省治中慶

路統有三十七路五府元史百官志

至元四年九月立大理等處行六部尚書侍郎及雲南王傅府尉司

馬等官十年三月分金齒國為兩路六月以平章政事官行省雲南

十九年置右丞參政官元史世祖本紀大德五年二月分雲南諸路行中書省

事仍置理問官二員郎中員外郎都事各一員成宗本紀至順元年置行省

左丞置同知副使等官文宗本紀

宣慰司

宣慰司掌軍民之務分道以總郡縣行省有政令則布於下郡縣有請則為達於省有邊陲軍旅之事則兼都元帥府其次則止為元帥府其在遠服又有招討安撫宣撫等使品秩員數各有差等

元史百官志

中統四年八月置元帥府於大理至元八年八月置大理等處宣慰都元帥五月分大理國三十七部為三路十二年春正月命宣慰司兼行元帥府事竝聽行省節度十四年五月改廣南西路宣撫司為宣慰司十九年九月罷雲南宣慰司二十五年五月改雲南烏撒宣撫司為宣慰司兼管軍萬戶府二十八年二月立金齒等處宣慰司都元帥府以雲南曲靖路宣撫司所轄地廣民心未安改立曲靖等處宣慰司管軍萬戶府以鎮之

元史世祖本紀

宣慰司都元帥府并總管府至正二年六月罷邦牙宣慰司三年秋

七月立永昌等處宣慰司

順帝本紀

大理金齒等處宣慰使司都元帥府秩從二品使三員從二品同知二員從三品副使

二員正四品經歷二員從六品都事二員從七品照磨兼架閣管勾一員正九品又曲

靖等路宣慰使兼管軍萬戶府宣慰使三員同知副事各一員經歷

一員都事二員照磨兼管勾一員又臨安廣西道元江等處宣慰

使兼管軍萬戶府設官如上又邦牙等處宣慰使司都元帥府至元四年十

二月置先是以緬地處雲南極邊就立其酋長為帥三年一貢方物

自是來貢故改立官府以獎異之案其官係土人元史百官志烏撒烏蒙宣慰司至元二

十四年宣撫司升元史地理志永昌等處宣慰使司都元帥府至正三年七

月中書省奏闕端阿哈所分地方接連西番自脫脫木兒既沒之後

無人承嗣達達人口頭正時被西番劫奪殺傷深為未便遂定置永昌等處宣慰使司都元帥府以治之置宣慰使三員同知二員副使二員首領官經歷知事照磨各一員令史十人蒙古譯使四人知印二人怯里馬赤一人奏差八人典吏二人

元史百官志

都元帥府

都元帥府都元帥二員副元帥二員經歷知事各一員 又元帥府

秩三品達臚噶齊一員

舊作達臚花赤

元帥一員經歷知事各一員

元史百官志

中統四年八

月置元帥府於大理至元十二年春正月命宣慰司兼行元帥府事並聽行省節度二十年十二月罷雲南都元帥府

世祖本紀

按百官志雲南無元帥府然本紀有置有罷則雲南實曾設元帥府况至元十二年既以宣慰兼都元帥而尼雅斯拉鼎傳十七年建言

尚云雲南有省有宣慰司又有都元帥則都元帥固依然在諸書所載雲南都元帥元帥不一其人其官制固未可廢也

舊雲南通志

宣撫司

六年雲南始置宣撫使

元史憲宗本紀

至元二十二年九月省合刺章金齒二

宣撫司為一治永昌立臨安廣西道宣撫司

世祖本紀

元之宣撫職在詢民疾苦體察官吏賢否以行省官或諸部尚書諸

院吏充之即唐巡察按察等使

王圻續文獻通考

宣撫司

秩正三品

每司達嚕噶齊一員宣撫一員同知副使各二員僉事一

員計議經歷知事各一員提控案牘架閣一員又廣南西道宣撫

司不置副使簽事

又麗江路宣撫司

又平緬宣撫司至正十五

年八月以雲南死可伐等降令其子莽三八貢方物乃置平緬宣撫

司以羈縻之元史百官志

按平緬官皆土人爲之舊雲南通志

安撫司

安撫司秩正三品每司達嚕噶齊一員安撫使一員同知副使僉事各一員

經歷知事各一員元史百官志

按元史百官志雲南無安撫使然法花魯丁雖不言爲何處安撫雲南行省得而羅織之則爲雲南安撫使可知官制亦當備列以資參

考舊雲南通志

招討司

招討司秩正三品達嚕噶齊一員招討使一員經歷一員元史百官志

按元史百官志雲南無招討使然賽平章德政碑月忽乃等爲招討

使本世祖至元二十一年立有征緬招討使二十三年有鎮西平緬招討

使則官制亦當備載舊雲南通志

諸路萬戶府

諸路萬戶府上萬戶府管軍七千之上達嚕噶齊一員萬戶一員俱正三品

虎符副萬戶一員從三品虎符中萬戶府管軍五千之上達嚕噶齊一員

萬戶一員俱從三品虎符萬戶一員正四品金牌下萬戶府管軍三千之上達嚕

噶齊一員萬戶一員俱從三品虎符副萬戶一員從四品金牌其官皆世襲有功

則陞之每府設經歷一員從七品知事一員從八品提控案牘一員元史百官志

各路立萬戶府各縣立千戶以鎮壓各處其所部之軍各道通以宣

慰元帥總之王圻續文獻通考

宣宗五年立善闡萬戶府 又世祖至元二年立安甯千戶元史地理志

鎮撫司鎮撫二員蒙古漢人參用上萬戶府正五品中萬戶府從五品俱金牌

下萬戶府正六品銀牌 又上千戶所管軍七百之上達嚕噶齊一員千

戶一員俱從四品金牌副千戶一員正五品金牌中千戶所管五百之上達嚕噶

齊一員千戶一員俱正五品金牌副千戶一員從五品金牌下千戶所管三百之

上達嚕噶齊一員千戶一員俱從五品金牌副千戶一員正六品銀牌 又彈壓

二員蒙古漢人參用上千戶所從八品中下二所正九從九品內銓注 又上百

戶所百戶二員蒙古一員漢人一員俱從六品銀牌下百戶所百戶一員從七品

銀牌元史百官志

儒學提舉司

儒學提舉司秩從五品各處行省所署之地皆置一司統諸路府州縣學校

祭祀教養錢糧之事及考核呈進著述文字每司提舉一員從五品副提

舉一員從七品吏目一人司吏二人元史百官志

延祐元年六月置雲南行省儒學提舉司元史仁宗本紀

轉運司

至元十五年夏四月立雲南轉運司元史世祖本紀

諸路總管府

諸路總管府至元初置二十年定十萬戶之上者為上路秩正三品十萬戶之下者為下路當衝要者雖不及十萬戶亦為上路秩正三品達嚕噶齊一員

總管一員並正三品兼管勸農事同知治中判官各一員下路秩正三品不置治中

而同知如治中之秩餘悉同上至元二十三年置推官二員專治刑

獄下路一員經歷一員知事一員或二員照磨兼承發架閣一員司

吏無定制隨事繁簡以為多寡之額譯史通事各一員其屬儒學教

官

授一員秩九品諸路各設一員及學政一員學錄一員蒙古教授一員正九品

醫學教授一員陰陽教授一員司獄司司獄一員丞一員平準行用

庫提領大使副使各一員織染局局使一員雜造局大使一員副使

一員府倉大使一員副使一員惠民藥局提領一員稅務提領一員

大使副使各一員元史百官志 達嚕噶齊掌印信以總一府一縣之治判署則用正官在府則總管在縣則縣尹達嚕噶齊華言荷齊壓口捺子也亦猶古言總轄之比 王圻續文獻通考 又

錄事司秩正八品凡路府所治置一司以掌城中民戶之事中統二年照驗

民戶定為員數二千戶以上設錄事司候判官各一員二千戶以下

省判官不置至元二十年置達嚕噶齊一員省司候以判官兼捕盜

之事典史一員若城市民少則不置司歸以倚郭縣元史百官志

至元二十八年設諸路學校其教官以蜀士充元史世祖本紀

散府

散府秩正四品達嚕噶齊一員知府或府尹一員領勸農興魯與路同同知

一員判官一員推官一員知事一員提控案牘一員所在有隸諸路

及宣慰司行省者有直隸省部者有統州縣者有不統縣者其制各

有差等元史百官志

諸州

諸州中統五年併立州縣未有差等至元三年定一萬五千戶之上者為上州六千戶以上者為中州六千戶之下者為下州上州達嚕

噶齊州尹秩從四品同知秩正六品判官秩正七品中州達嚕噶齊知州秩正五品同知秩從六品判官秩從七品

下州達嚕噶齊知州秩從五品同知秩正七品判官秩正八品兼捕盜之事參佐官上州知

事提控案牘各一員中州吏目提控案牘各一員下州吏目一員或

二員元史百官志

諸縣

諸縣六千戶之上者為上縣二千戶之上者為中縣不及二千戶者

為下縣上縣秩從六品達嚕噶齊一員尹一員丞一員簿一員尉一員典史

二員中縣秩正七品下置丞餘悉如上縣之制下縣秩從七品置官如中縣民少事

簡之地則以簿兼尉後又別置尉尉主捕盜之事別有印典吏一員

巡檢司從九品巡檢一員元史百官志

至元二十六年夏四月省大理中慶等路州縣六月詔以雲南行省

地遠州縣官多闕六品以下許本省選辟以聞元史世祖本紀

權稅官

至元十九年始定雲南稅賦置管課官元史世祖本紀又至治三年五月設

大理路白鹽城權稅官秩正七品中慶路權稅官秩從七品英宗本紀

撫治大理

至元八年十一月勅遣阿魯忒兒等撫治大理

元史世祖本紀

雲南諸路規措所

至元十二年春正月置雲南諸路規措所二十年十二月罷雲南造

賣金箔規措所

元史世祖本紀

雲南行樞密院

天曆二年六月立行樞密院討雲南賜給璽書十五銀字圖符五

元史文宗本紀

新纂雲南通志卷一百二十二目錄

庶政考二

全省文武官職之遞嬗二

明

督撫

巡按

提舉學校

承宣布政使司

提刑按察使司

各道

府

州

縣

儒學

巡檢司

驛

醫學

陰陽學

僧綱司 道紀司

總兵官

都指揮使司

外衛指揮使司

諸使

清

督撫

學政 提學使

布政使

按察使 提法使 各級審判檢察廳

交涉司 各對汛

各道

知府 同知 通判 經歷 知事 司獄 巡檢

直隸州知州 州判 吏目 巡檢

知州 州同 州判 吏目 巡檢

知縣 縣丞 巡檢 典史

鹽課司提舉 大使

文職各官品級

提督

總兵 副將

參將 遊擊 都司 守備 營千總 把總 外委把

總

陸軍鎮協標營

武職各官品級

新纂雲南通志卷一百二十二

庶政考二

全省文武官職之遞嬗二

明

督撫

明官制沿漢唐之舊而損益之凡文官之品九有正從為級一十八

不及九品曰未入流明史職官志

都察院左右都御史左右副都御史左右僉都御史其屬各道監察

御史雲南十一人其在外加都御史或副僉都御史銜者有總督有

提督有巡撫有總督兼巡撫提督兼巡撫及經略總理贊理巡視撫

治等員巡撫之名起於懿文太子巡撫陝西永樂十九年遣尚書蹇義等二十六人巡行天下安撫軍民以後不拘尚書侍郎都御史少卿等官事畢復命即或停遣初名巡撫或名鎮守後以鎮守侍郎與巡按御史不相統屬文移窒礙定為都御史

巡撫兼軍務者加提督有總兵地方加贊理或參贊所轄多事重者加總督他如整飭撫治巡視總理等項皆因事特設其以尙書侍郎任總督軍務者皆兼都御史以便行事 都御史職專糾劾百司

辯明冤枉提督各道爲天子耳目風紀之司凡大臣姦邪小人構黨作威福亂政者劾凡百官猥茸貪冒壞官紀者劾凡學術不正上書陳言變亂成黨希進用者劾遇朝覲考察同吏部司賢否陟黜大獄重囚會鞫於外朝偕刑部大理讞平之其奉勅內地拊循外地各專

其勅行事

按左右都御史正二品左右副都御史正三品左右僉都御史正四品監察御史正七品 明史職官志

總督四川湖廣貴州雲南等處軍務一員嘉靖二十七年設四十二年罷天啓元年又設四川湖廣雲南貴州廣西五省總督一員四年

兼巡撫貴州

明史職官志

巡撫雲南兼建昌畢節等處地方贊理軍務兼督川貴糧餉一員正統九年命侍郎參贊軍務十年設鎮撫天順元年罷成化十二年復

設嘉靖三十年加兼理軍務四十三年改贊理隆慶二年兼撫建昌

畢節等處明史職官志

巡按

各道監察御史在外為巡按雲南一人代天子巡狩所按藩服大臣

府州縣官諸考察舉劾尤專大事奏裁小事立斷按臨所至必先審

錄罪囚弔刷案卷有故出入者理辨之諸祭祀壇場省其牆宇祭品

存恤孤老巡視倉庫查算錢糧勉勵學校表揚善類剪除豪蠹以正

風俗振綱紀明史職官志

凡巡按御史一年已滿差官更代明會典

提舉學校

明初以御史提舉學校後改按察司官專督而兩京用御史如故遂

爲定例凡學政遵臥碑提學憲臣申飭之責提調於府王圻續文獻通考

正統二年始設提學憲臣各省按察副使或僉事各一員專勅責成

不許巡按御史侵越大政紀

天順六年勅諭天下提督學校俾專學政何喬遠名山藏

承宣布政使司

承宣布政使司左右布政使各一人從二品左右參政從三品左右參議無定

員從四品參政參議因事添設各省不等經歷司經歷一人從六品都事一人

從七品照磨所照磨一人從八品檢校一人正九品理問所理問一人從六品副理問一

人從七品提控案牘一人司獄司司獄一人從九品庫大使一人從九品副使一人

倉大使一人從九品副使一人雜造局軍器局寶泉局織染局各大使一

人從九品副使一人所轄衙門各省不同布政使掌一省之政朝廷有德澤禁令承流宣

播以下於有司凡僚屬滿秩廉其稱職不稱職上下其考報撫按以達於吏部都察院三年率其府州縣正官朝覲京師以聽察典十年會戶版以登民數田數賓興貢合省之士而提調之宗室官吏師生軍伍以時班其祿俸廩糧祀典神祇謹其時祀民鰥寡孤獨者養之孝弟貞廉者表揚之水旱疾疫災稜則請於上蠲賑之凡貢賦役視府州縣土地人民豐瘠多寡而均其數凡有大興革及諸政務會都按議經畫定而請於撫按若總督其國慶國哀遣僚貳朝賀弔祭於京師天子即位則左布政使親至參政參議分守各道及派管糧儲屯田清軍驛傳水利撫民等事經歷都事典受發文移其詳巡按巡鹽御史文書用經歷印照磨檢校典勘卷宗理問典刑名 又雲南左右承宣布政使各一人洪武十五年置二十二年定秩從二品建

文中陞正二品裁一人成祖復舊制明史職官志

初為行中書省洪武九年改諸省為承宣布政使司建文中革左右

布政使一人靖難後復故王圻續文獻通考

提刑按察使司

提刑按察使司按察使一人正三品副使正四品僉事無定員正五品經歷司經歷

一人正七品知事一人正八品照磨所照磨一人正九品檢校一人從九品司獄司司獄

一人從九品按察使掌一省刑名按劾之事糾官邪戢姦暴平獄訟雪冤

抑以振揚風紀而澄清其吏治大者暨都布二司會議告撫按以聽

於部院凡朝覲慶弔之禮具如布政司副使僉事分道巡察其兵備

提學撫民巡海清軍驛傳水利屯田招練監軍各專事置按撫民巡海水利屯田招練監軍各道間

設於浙江江西湖廣山東各省不常設 洪武二十二年復定按察司為正三品二十九年改置按

察分司為四十一道三十年始置雲南按察司先是命布政司兼理建文時改為十

三道肅政按察司成祖初復舊明史職官志

提刑按察使司太祖置洪武十四年遂定各道按察分司建文中改

為十三道肅政按察司靖難後復故王圻續文獻通考

各道

布政司參政參議分司諸道督糧道一員駐省城分守道雲南臨安道騰

衝道瀾滄道以上或參政或參議為之又按察司副使僉事分司諸道提督學道清

軍道驛傳道各一員 又分巡道雲南安普道臨元道洱海道金滄

道整飭兵備道 又分巡兼兵備雲南曲靖道明初制照守令貪鄙不法故於直隸府州縣設巡按御史各布政司所屬設試僉事

已罷試僉事故按察分司四十一道此分巡之始也分守起於永樂間每令方面官巡視民瘼後遂定右參政右參議分守各屬府州縣兵道之設昉自洪熙間以試臣疏於文墨遣參政副使等往各總兵處整理文書商榷機密未嘗身領軍務也至宏治中慮武職不修議

增副僉一員敕之自是兵備之員盈天下 明史職官志

都轉鹽運使

按明初雲南未設此官

鹽課提舉司提舉一人

從五品

同提舉一人

從六品

副提

舉無定員

從七品

其屬史目一人

從九品

庫大使副使一人

所轄各鹽倉大使

副使各場各井鹽課司大使副使並一人雲南提舉凡四曰黑鹽井

楚雄

曰白鹽井

姚安

曰安甯曰五井

大理

其職掌掌鹽鹽之事

明史職官志

金

嘉靖二十年停清理鹽法大臣三十二年革各處巡鹽御史三十九

年命副都御史清理各處鹽法

史

府

府知府一人

正四品

同知

正五品

通判無定員

正六品

推官一人

正七品

其屬經歷司經

歷一人

正八品

知事一人

正九品

照磨所照磨一人

從九品

檢校一人

司獄司司獄

一人知府掌一府之政宣風化平獄訟均賦役以教養百姓每三歲

察屬吏之賢否上下其考以達於省上吏部凡朝賀弔祭視布政使

司直隸府得專達凡詔赦例令勘筭至謹受之下所屬奉行所屬之
政皆受約束於府劑量輕重而令之大者白於撫按布按議允乃行
凡賓興科貢提調學校修明祀典之事咸掌之若籍帳軍匠驛遞馬
牧盜賊倉庫河渠溝防道路之事雖有專官皆總領而稽覈之同知
通判分掌清軍巡捕管糧治農水利屯田牧馬等事無常職各府所掌不同無
定員推官理刑名贊計典各府推官洪武三年始設經歷照磨檢校受發上下文移磨
勘六房宗卷明初改諸路爲府洪武六年分天下府三等糧二十萬
石以上爲上府知府秩從三品二十萬石以下爲中府知府正四品十萬
石以下爲下府知府從四品己竝爲正四品十三年罷各府照磨二
十七年復置明史職官志

州

州知州一人品從五同知品從六判官無定員品從七里不及三十而無屬縣裁同

知判官有屬縣裁同知其屬吏目一人品從九知州掌一州之政凡州二

有屬州有直隸州屬州視縣直隸州視府而品秩則同同知判官俱

視其州事之繁簡以供厥職明史職官志

縣

縣知縣一人品正七縣丞一人品正八主簿一人品正九其屬典史一人知縣掌一

縣之政凡賦役歲會實徵十年造黃冊以丁產為差賦有金穀布帛

及諸貨物之賦役有力役僱役借債不時之役皆視天時休咎地利

豐耗人力貧富調劑而均節之歲歉則請於府若省蠲減之凡養老

祀神貢士讀法表善良恤窮乏稽保甲嚴緝捕聽訟獄皆躬親厥職

而勤慎焉若山海澤藪之產足以資國用者則按籍而致貢縣丞主

簿分掌糧馬巡捕之事典史典文移出納如無縣丞或無主簿則分

領丞簿職縣丞主簿添革不一若編戶不及二十里者並裁

元年定縣三等糧十萬石以下為上縣知

縣從六品六萬石以下為中縣知縣正七品三萬石以下為下縣知

縣從七品已並為正七品凡新授郡縣官給道里費洪武元年徵天

下賢才為府州縣職勅命厚賜以勵其廉恥又勅諭之至於再明史職官志

儒學

儒學府教授一人從九品訓導四人州學正一人訓導三人縣教諭一人

訓導二人教授學正教諭掌教誨所屬生員訓導佐之凡生員廩膳

增廣府學四十人州學三十人縣學二十人附學生無定數儒學官

月課士子之藝業而獎勵之凡學政遵臥碑咸聽於提學憲臣提調

府聽於府州聽於州縣聽於縣其殿最視鄉舉之有無多寡明初置

儒學提舉司洪武二年詔天下府州縣皆立學十三年改各州學正

為未入流先是從九品二十四年定儒學訓導位雜職上三十一年詔天下

學官改授旁郡州縣正統元年始設提督學校官其後正統志宣慰安撫

等土官俱設儒學明史職官志

巡檢司

巡檢司巡檢副巡檢俱從九品主緝捕盜賊盤詰姦譌凡在外各府州縣關

津要害處俱設俾率徭役弓兵警備不虞初洪武二年以廣西地接

徭獠始於關隘衝要之處設巡檢司以警姦盜後遂增置各處十三

年二月特賜敕諭之尋改為雜職明史職官志

驛

驛驛丞典郵傳迎送之事凡舟車夫馬廩糗庖饌裯帳視使客之品

秩僕夫之多寡而謹供應之支直於府若州縣而籍其出入

巡檢驛丞各府州縣有無多寡

不同明史職官志

案明時雲南有多羅驛丞等官

醫學

醫學府正科一人從九品州典科一人縣訓科一人洪武十七年置設官

不給祿明史職官志

陰陽學

陰陽學府正術一人從九品州典術一人縣訓術一人亦洪武十七年置

設官不給祿明史職官志

僧綱司 道紀司

府僧綱司都綱一人從九品副都綱一人州僧正司僧正一人縣僧會司

僧會一人府道紀司都紀一人品從九副都紀一人州道正司道正一人

縣道會司道會一人俱洪武十五年置設官不給祿明史職官志

總兵官

總兵官副總兵參將遊擊將軍守備把總無品級無定員總鎮一方者為鎮守獨鎮一路者為分守各守一城一堡者為守備與主將同守一城者為協守又有提督提調巡視備禦領班備倭等名凡總兵副總兵率以公侯伯都督充之其總兵掛印稱將軍者曰征南將軍又鎮守雲南總兵官一人舊設駐雲南府分守參將三人曰臨元參將曰永昌參將曰順

蒙參將守備二人巡撫中軍坐管官一人明史職官志

都指揮使司

都指揮使司都指揮一人正二品都指揮同知二人從二品都指揮僉事四人

品^{正三}其屬經歷司經歷^{品^{正六}}都事^{品^{正七}}斷事司斷事^{品^{正六}}副斷事^{品^{正七}}吏目各一

人司獄司司獄^{品^{從九}}倉庫草場大使副使各一人都司掌一方之軍政

各率其衛所以隸於五府而聽於兵部凡都司竝流官或得世官歲

撫按察其賢否五歲考選軍政而廢置之洪武十五年增置雲南都

司掌一方之軍政

明史職官志

外衛指揮使司

指揮使一人同知二人僉事四人衛鎮撫二人升授印調增置無定

員其屬經歷知事各一人有衛學者教授訓導各一人指揮使司掌

軍旅防禦之事使同知僉事考選掌管衛事每歲藩按察其賢否五

歲一考選軍政廢置之

王圻續文獻通考

衛指揮使司設官如京衛外衛各統於都司凡管理衛事惟屬掌印

僉書不論指揮使同知僉事考選其才者充之衛指揮使正三品同知從三品

僉事

正四品原按洪武二十三年又設軍民指揮使司自衛指揮以下其官多世襲其軍士亦父子相繼

又所千戶所正千戶一人正五品副千

戶二人

從五品

鎮撫二人

從六品

其屬吏目一人所轄百戶所凡十共百戶十

人

正六品

總旗二十人小旗百人其守禦千戶所軍民千戶所設官並同

又明初立各萬戶府設正萬戶

正四品

副萬戶

從四品

知事

從八品

照磨

正九品

尋以

名不稱實遂罷萬戶府而設指揮使及千戶等官覈諸將所部有兵

五千者為指揮使千人者為千戶百人者為百戶五十人為總旗十

人為小旗

明史職官志

凡軍之政必聽於衛衛下千戶所千戶督百戶百戶下總旗小旗率

其伍卒以聽所

王圻續文獻通考

諸使

土官宣慰使司宣慰使一人品從三同知一人品正四副使一人品從四僉事一人

品正五經歷司經歷一人品從七都事一人品正八又宣撫司宣撫使一人品從四同

知一人品正五副使一人品從五僉事一人品正六經歷司經歷一人品從八知事一人

品正九照磨一人品從九又安撫司安撫使一人品從五同知一人品正二副使一人

品從六僉事一人品正七其屬吏目一人品從九又招討司招討使一人品從五副招

討一人品正六其屬吏目一人品從九又長官司長官一人品正六副長官一人

品從七其屬吏目一人未入流蠻夷長官司長官副長官各一人品同上又有蠻夷

官苗民官及千夫長副千夫長等官明史職官志

案明制宣慰宣撫安撫招討等使皆土官其同知副使僉事經歷

都事知事照磨吏目皆流官官制並載於此

清

督撫

雲貴總督一人雲南巡撫一人駐雲南府凡總督例兼都察院右都御史銜其應否兼兵部尚書銜由吏部請旨定奪巡撫例兼都察院

右副都御史銜其應否兼兵部侍郎銜由吏部請旨定奪

大清會典事例

雲貴總督初兼轄廣西後定爲雲貴總督轄雲南貴州掌總治軍民統轄文武考覈官吏修飭封疆間有擢任大學士奉特旨留任者雲南巡撫一人掌宣布德意撫安齊民修明政刑興革利弊考羣吏之治會總督以詔廢置三年大比獻賢能之書則監臨之其武科則主

考試兼管理鹽政

皇朝通典

順治初年設雲南巡撫一人駐雲南府雲貴總督一人兩省互駐

又康熙元年裁雲貴總督專設雲南總督一人駐曲靖府又三年

諭貴州總督裁併雲南 又議定雲貴總督駐節貴陽府 又十二年諭雲南地屬邊疆應專設雲南總督一人 又二十二年定雲貴總督自貴陽府移駐雲南府 又二十六年定總督員額雲南貴州總督一人 又三十一年題准總督由侍郎補授者原係左侍郎改爲兵部左侍郎原係右侍郎改爲兵部右侍郎兼都察院右副都御史 又雍正元年議定各省總督巡撫由各部侍郎以及別項官員補授總督者俱爲兵部右侍郎兼都察院右副都御史由侍郎補授巡撫者亦爲兵部右侍郎兼都察院右副都御史由學士副都御史及卿員布政使等官補授巡撫者俱爲右副都御史由左僉都御史及四品京堂按察使等官補授巡撫者改爲右僉都御史 又五年定雲貴總督兼轄廣西 又十二年諭從前降旨將廣西一省暫隸

雲貴總督管轄者因廣西與貴州接壤俱有苗疆應辦事務若非該總督總統節制恐文武官弁呼應不靈今苗疆用兵事竣諸事就緒年來內外臣工多奏稱廣西距雲南路遠廣東路近不若就近爲安便等語滇黔兩粵情形本應如此即朕初意亦不過俟苗疆事竣仍行照舊非謂尹繼善不能兼管三省而前後互異也其應否仍隸廣東之處着九卿會議具奏 又是年停雲貴總督兼轄廣西 又乾隆元年諭貴州苗疆事務自張廣泗經略以來漸次就緒但善後事宜正須料理必事權歸一始可專其責成張廣泗著授爲貴州總督兼管巡撫事務尹繼善著爲雲南總督專辦雲南事務俱另行鑄給關防 又十二年諭雲貴二省原係總督一人管轄著仍復舊制即以張允隨授爲雲貴總督圖爾炳阿著授爲雲南巡撫孫紹武著授

貴州巡撫 又十三年諭嗣後大學士兼管總督者著帶大學士銜其協辦大學士兼管總督者不必仍帶協辦大學士銜著爲令 又 是年議准外官官制向以布政使司領之但督撫總制百官布按二司皆其屬吏應首列督撫次列布按查定例川陝兩江總督不論由何項官員補授者俱爲兵部尙書兼都察院右都御史其餘各省總督由侍郎及別項官員補授者俱改爲兵部右侍郎並都察院右副都御史如各部尙書及左都督御史奉特旨補授者俱爲兵部尙書兼都察院右都御史至各省巡撫由侍郎補授者爲兵部右侍郎兼都察院右副都御史由內閣學士副都御史及卿員布政使等官補授者俱爲右副都御史由左僉都御史及四品京堂按察使等官補授者俱爲右僉都御史今左僉都御史業經裁汰其右僉都御史不

便復令兼銜嗣後巡撫不由侍郎補授者無論何項官員俱兼都察院右副都御史銜 又嘉慶十四年諭嗣後凡遇以二品頂戴爲總督者均著兼侍郎銜俟加恩給與頭品頂戴吏部再行奏請兼兵部

尙書銜著爲令

大清會典事例

光緒二十四年七月諭外省如直隸甘肅四川等省皆例以總督兼管巡撫事惟湖北廣東雲南三省督撫同城原未畫一現在東河在山東境內者已隸山東巡撫管理祇河南河工由河督專辦今昔情形確有不同所有督撫同城之湖北廣東雲南三省巡撫並東河總督著一併裁撤其湖北廣東雲南三省均著以總督兼管巡撫事東河總督應辦事宜即著歸併河南巡撫專辦

光緒政要

又是年八月復諭

裁併官缺一事外間不察有以大更制度爲請者誠恐胥動浮言民

氣因之不靖殊失朕力圖自強之本意所有前諭裁撤各衙門現在

詳察情形此減彼增轉多周折不若仍悉其舊毋庸裁併案冊又三

十年諭政務處吏部會議林紹年奏督撫同城事權不一請裁撤巡

撫一摺雲南湖北巡撫兩缺著即行裁撤湖廣總督雲貴總督均著

兼管巡撫事光緒新法令光緒二十四年十一月諭向來沿海沿江通商省

分交涉事務本煩及內地各省亦時有教案應行核辦各直省將軍

督撫往往因事隸總理衙門不免意存諉卸總理衙門亦以事難懸

斷未便徑行以致往還轉折不無延誤嗣後各省將軍督撫均著兼

總理各國事務大臣仍應時與總理衙門王大臣和衷商辦以期中

外一氣相生遇事悉臻妥洽光緒政要

學政 提學使

學政雲南一人教授十五人學正三十一人教諭三十五人訓導七

十三人

大清會典事例

學政雲南一人掌學校之事三年而代

皇朝通志

清初各省設督學道康熙三十二年改以京員簡用雍正四年定制

各省學道皆改為學院其以部屬簡任者加翰林院編修檢討銜

皇朝通志

教職之掌學校黜陟統於學政士習文風攸關焉

皇朝文獻通考

清初各省竝設督學道帶按察司僉事銜以各部郎中由進士出身

者循資補用惟順天江南浙江為提督學政凡府廳儒學設教授訓

導州儒學設學正訓導縣儒學設教諭訓導皆因地置員 又康熙

三年裁各府州儒學訓導一人大縣裁訓導一人小縣裁教諭一人

又五年裁雲南省教職三十一人通省共設府衛學教授十八人

州學學正二十三人縣學教諭九人訓導十五人 又十五年復設各省府州儒學訓導一人大縣復設訓導一人小縣復設教諭一人 又二十三年議准各省學道將應陞之郎中及參議道知府等官選擇開列恭請簡用凡由翰林科道任者即爲學院由部屬等官任者則爲學道 又雍正四年定各省督學一體稱爲學院其以部員任者照庶吉士散館之例該員係二甲進士出身加編修銜三甲同進士出身加檢討銜

大清會典事例

光緒三十二年四月諭政務處學部會奏遵議裁撤學政請設直省提學使司一摺現在停止科舉專辦學堂所有學政事宜自應設法變通著照所議各省改設提學使司提學使一員統轄會典學務歸督撫節制一切詳細官制及辦事權限章程仍由學部籌議具奏所

有各省學政一律裁撤均著回京供職各該省學校事宜暫由各該督撫督飭學員妥爲經理餘著照所議辦理欽此

政務學部

會奏竊臣等伏查國初沿前明舊制各省設提學道雍正年間改

爲提督學政仰見列聖建置具有深意要在因時制宜初不拘乎成例現在停止科舉專辦學堂一切教育行政及擴張興學之經費督飭辦學之考成與地方行政在在均有關係學政分任事權較爲不宜於督撫爲敵體諸事既不便於稟承於地方爲客官更難靈於呼應即有深明教育之員補苴一二爲益已尠且各省地方遼闊將來官立公立私立之學堂日新月異勢不能如歲科各試分棚調考之例而循例按臨更有不暇給之勢勞費供張無裨實事學政舊制自宜設法變通上年奉旨設立學部以來臣榮慶等即已籌辦及此而

督臣袁世凱及學臣吳魯先後陳奏皆以裁撤學政爲請袁世凱所陳已極詳切吳魯現任學政身居局中所言尤爲洞中利弊是學政之應行裁撤內外臣工意見相合但袁世凱原奏主規復提學道之制近來地方辦理新政恆視上司督催權力之所及以爲進退藩臬兩司統轄全省道員則範圍已隘權限稍輕若學政改設提學道恐體制大異於從前督飭或難於見效至吳魯原奏責成督撫辦理封疆大吏一切吏事兵事財政皆其統籌勢難兼顧勢不能專心教育臣等公同商酌擬請裁撤學政各省改設提學使一員秩正三品視按察司統轄全省地方學務歸督撫節制於省會地方置學務公所分設總務普通專門實業會計圖書六課每課設課長副長課員分曹隸事仿漢代辟召之例選官紳之有學行者由提學司詳請督撫

筭派另設學務議紳四人由提學使司延訪本省學望較崇之紳士充選並設議長一人由學部慎選奉派其提學使司養廉一似學政之舊仍量加公費以資津貼僚佐薪費皆以公款支給所有從前之棚規供應一概禁絕其舊有學政衙門之胥吏尤當一律裁革以上各節名實既副權限自明於袁世凱摺內所謂定統系四端吳魯摺內所謂廣籌經費四事斟酌而損益之實力而推行之但使任用得人職務咸舉庶幾地方學務日有起色而教育之發達不難矣一俟提學使設立之後其各學務處即行裁撤所有學務紳士及辦事委員其佐理學務實有成績者應留充學務公所議紳及課長各員之選均由提學使司屆時斟酌分別辦理如蒙俞允即由學部籌擬詳細官制及辦事權限章程續行具奏請旨其提學使司員缺應由學

督臣袁世凱及學臣吳魯先後陳奏皆以裁撤學政爲請袁世凱所陳已極詳切吳魯現任學政身居局中所言尤爲洞中利弊是學政之應行裁撤內外臣工意見相合但袁世凱原奏主規復提學道之制近來地方辦理新政恆視上司督催權力之所及以爲進退藩臬兩司統轄全省道員則範圍已隘權限稍輕若學政改設提學道恐體制大異於從前督飭或難於見效至吳魯原奏責成督撫辦理封疆大吏一切吏事兵事財政皆其統籌勢難兼顧勢不能專心教育臣等公同商酌擬請裁撤學政各省改設提學使一員秩正三品視按察司統轄全省地方學務歸督撫節制於省會地方置學務公所分設總務普通專門實業會計圖書六課每課設課長副長課員分曹隸事仿漢代辟召之例選官紳之有學者由提學司詳請督撫

筭派另設學務議紳四人由提學使司延訪本省學望較崇之紳士充選並設議長一人由學部慎選奉派其提學使司養廉一似學政之舊仍量加公費以資津貼僚佐薪費皆以公款支給所有從前之棚規供應一概禁絕其舊有學政衙門之胥吏尤當一律裁革以上各節名實既副權限自明於袁世凱摺內所謂定統系四端吳魯摺內所謂廣籌經費四事斟酌而損益之實力而推行之但使任用得人職務咸舉庶幾地方學務日有起色而教育之發達不難矣一俟提學使設立之後其各學務處即行裁撤所有學務紳士及辦事委員其佐理學務實有成績者應留充學務公所議紳及課長各員之選均由提學使司屆時斟酌分別辦理如蒙俞允即由學部籌擬詳細官制及辦事權限章程續行具奏請旨其提學使司員缺應由學

部博求深明教育素有閱歷者開單請簡其各省學政既經裁撤自應飭令回京供職提學使司未經到任以前各該省學校事宜暫由督撫飭學務處人員認真辦理此遵諭裁撤學政請設提學使司之緣由也

光緒政要

布政使

雲南布政使一人經歷一人庫大使一人

大清會典事例

承宣布政使司布政使掌一省之政司錢穀之出納十年會戶版均稅役登民數田數以達於戶部雲南一人其屬經歷一人庫大使一

人

皇朝文獻通考

布政使凡朝廷有德澤禁令承流宣布以達於有司闔省僚屬以時頒其秩俸滿秩廉其稱職不稱職報督撫以達於吏部諸政務與督

撫會議經畫而行之

皇朝通典

其首領經歷掌出納文書庫大使掌司庫藏之出入

皇朝通志

清初各省皆設承宣布政使司左右布政使各一人左右參政參議各因事設立所屬經歷理問都事照磨檢校大使副理問副使因時裁設無定員 又康熙六年定各省布政使員額裁各省布政使一人定爲全省布政使雲南一人參政參議無定員皆裁去左右名目視何項官推陞者卽爲何項道名曰守道布政使司所屬官理問經歷照磨檢校副理問庫大使副使寶泉局大使副使各一人 又三十九年裁雲南布政司照磨一人又裁各省布政司副理問寶泉局大使缺竝各省布政司檢校缺 又乾隆十六年裁雲南布政司庫副使 又十八年停各省守道兼布政使參政參議等銜 又三十

年裁雲南布政司理問一人

大清會典事例

按察使 提法使 各級審判檢察廳

雲南按察使一人經歷一人司獄一人

大清會典事例

提刑按察使司按察使掌一省刑名按劾之事以振風紀而澄吏治
三年大比為監試官大計為考察官秋審為主稿官與布政使稱兩

司雲南一人其屬經歷一人司獄一人

皇朝文獻通考

按察使凡政務大者與藩司會議以聽於部院理闔省之驛傳

皇朝通典

其首領經歷掌出納文書司獄掌管繫囚

皇朝通志

清初各省皆設提刑按察使司按察使各一人副使僉事各因事設
立所屬經歷知事照磨檢校司獄因時裁設無定員 又康熙六年
定各省按察使員額雲南一人副使僉事無定員視何項官推陞者

即爲何項道皆名曰巡道按察使司所屬官經歷照磨司獄司司獄各一人 又三十九年裁雲南按察司照磨一人 又乾隆十八年停各省巡道兼按察使副使僉事等銜

大清會典事例

光緒三十三年各省設提法司提法使一員秩正三品即以原設提刑按察使司改設授本管督撫節制管理該省司法上之行政事務監督各審判廳並調度檢察事務惟從前所管驛傳事務毋庸兼管

奏定各省官制通則

宣統二年增設雲南高等審判廳承雲南高等檢察廳長各一員并分設地方初級各審判廳及照章配置各級檢察廳獨立行其司法

上之職務

法部頒行籌備事例

交涉司 各對汎

宣統二年增設雲南交涉使司交涉使一員簡任主持一切外交事
件先是總督署內設有洋務局至是改設交涉公所附於交涉司署
內分置總務科掌理關於保護外人游歷傳教簽發中外人護照及
辦理會計庶務收發監印等事項工務科掌理關於中外人貿易華
洋訴訟及關務路政郵電交通等事項並設英法文繙譯各一員繪

圖生二員

冊案

光緒二十二年以臨安開廣道兼任中越邊界對汛督辦辦理中越
邊界商務界務會巡捕務及華洋訴訟等事所屬河口副督辦一員
與越南老街公使相對分設壩灑那發新店老卡四對汛與越南之
壩灑漫念猛康巴龍四法汛相對麻栗坡副督辦一員與越南河陽
公使相對分設田蓬董幹攀枝花天保玉皇閣茅坪六對汛與越南

之上蓬普捧官簿清水河漫美箐門六法汎相對

中越邊界會巡章程案冊

各道

雲南鹽法道迤東道迤西道迤南道糧儲兼分守地方道各一人鹽

道庫大使一人

大清會典事例

各道職司風憲綜覈官吏為督撫布教令以率所屬 又雲南驛鹽

道其屬庫大使一人提舉司提舉三人鹽課司大使十一人

皇朝文獻通考

雲南糧儲鹽法道迤西道迤東道迤南道各一人分守分巡及糧儲

鹽法各道或兼兵備或兼水利或以糧鹽兼分巡之事皆掌佐藩臬

覈官吏課農桑興賢能厲風俗簡軍實固封守以倡所屬而廉察其

政治

皇朝通典

清初定各省設布政使左右參政參議曰守道設按察使副使僉事

曰巡道有兼轄全省者有分轄三四府州者或兼兵備或兼水利或兼提學或兼糧儲鹽法各以職事設立無定員 又順治十六年諭自今以後除授陞轉各道員不得拘地方坐定職銜著以布按二司銜通融兼帶永著爲例 又是年議定守道缺出所陞之人係副使即陞參政僉事即陞參議或係參議應陞副使者即以副使兼參議銜郎中等官應陞僉事者即以僉事管參議事巡道缺出所陞之人係參議即陞副使係郎中等官即陞僉事或係副使應陞參政者即以參政兼副使銜僉事應陞參議者即以參議兼僉事銜 又雍正八年改雲南永昌道爲分巡迤西道添設分巡迤東道一人 又乾隆七年裁雲南驛鹽道經歷一人 又十八年罷各省守道兼布政使參政參議銜巡道兼按察司副使僉事銜定爲守巡各道秩正四

品 又二十四年定雲南迤東迤西二道均兼水利銜 又議准雲南按察司經歷兼糧儲道庫務 又三十一年議准滇省迤東道轄曲靖等十三府稽察難周添設迤南道一人駐普洱府以鎮沅元江臨安永北四府歸併管轄將雲南武定二府分隸鹽道其曲靖廣西廣南開化東川昭通澂江等七府仍歸迤東道管轄 又三十二年定雲南驛鹽巡道迤南道迤西道均加兵備銜 又三十三年議准雲南驛鹽道所轄之雲南武定二府改歸糧道管理 又四十一年諭向來道員委署兩司其應奏交代等事俱詳請督撫代奏固遵定例辦理但兩司爲錢糧刑名總匯各任內俱有應行入告之事道員既經署篆其責任即與實缺藩臬無異如遇應奏事宜原應照兩司具摺既於公務有益竝可藉以覘其才識如何亦屬集思廣益之道

何必轉詳督撫多此番轉折乎且雍正年間道府原有許其自行具摺者後因其無所建白遂行停止若道員既署司篆則又不必拘於此例矣嗣後道員中有委署兩司者准其照藩臬一體具摺奏事著爲令 又四十三年諭向來各省驛站事務直隸則係臬司兼管該員等俱駐筭省城以一人而轄通省郵傳地方遼闊稽察難周莫若將各省驛站事務皆令各省巡道按其所屬府州縣分司其事而以按察使總其成不必令糧鹽道兼管如有本係專管驛傳並無兼轄他務者即將員缺裁汰則事有專責而呼應亦靈欽此遵旨議定各省驛務應令巡道分管糧鹽道兼管驛務如有分巡地方者仍令管理所屬之驛無分巡地方者不必兼管 又嘉慶四年諭雍正年間道府同知等員俱准封章奏事因思各省道員職司巡察即與在京

科道有言責者相等况科道之條陳糾劾尙多得自風聞何如監司大員身任地方目擊本省政務民情者較爲眞知灼見耶嗣後除知府以下等官仍不准奏事外其各省道員均著照藩臬兩司之例准其密摺封奏以副兼聽竝觀集思廣益至意

大清會典事例

光緒十三年總督岑毓英奏准添設臨安開廣兵備道一人轄臨安開化廣南三府駐蒙自縣辦理中外通商事宜兼督海關滇設海關自此始開廣二府舊隸迤東道臨安舊隸迤南道今奏歸關道管轄別撥迤西道所轄之順寧景東改隸迤南道並設關道所屬道庫大

使兼照磨事一人

案冊

光緒三十三年各省增設巡警道一員專管全省巡警消防戶籍營繕衛生事務增設勸業道一員專管全省農工商業及各項交通事

務並將按察司舊管驛傳事務改歸該道兼管

奏定各省官制通則

知府 同知 通判 經歷 知事 司獄 巡檢

知府等官雲南省屬雲南大理臨安楚雄澂江廣南順寧曲靖東川

昭通麗江普洱永昌開化知府各一人景東蒙化永北直隸廳同知

三人昭通府大關普洱思茅威遠麗江府中甸永昌府龍陵撫民廳

同知五人雲南臨安曲靖開化東川地方同知各一人昭通府魯甸

麗江府維西順寧府緬寧普洱府他郎撫民廳通判四人雲南大理

地方通判各一人經歷共八人知事二人司獄五人廳經歷四人廳

知事四人永昌府龍陵廳施甸杉木和景東廳猛統順寧府猛緬普

洱府思茅蒙化廳瀾滄江漾濞南澗昭通府魯甸古寨大關廳鹽井

渡巡檢各一人

大清會典事例

司獄

皇朝文獻通考

知府掌一府之政教養百姓爲州縣表率佐以同知通判曰清軍曰糧捕曰水利各視其繁簡而分掌之同知府或一二人量地置員事簡之府不設通判量地置員與同知同又其屬經歷同知經歷知事

知府雲南十四人掌一府之政統轄屬縣宣理風化平其賦役聽其獄訟以教養萬民凡閣府屬吏皆總領而稽覈之同知雲南十三人分掌督糧捕盜清軍水利諸事通判雲南六人分掌督捕水利諸務均各量地置員以佐知府之政治其有兼理民事直隸於各省者其職如各府各直隸州之制而品級則同

皇朝通典

清初定每府設知府一人推官一人掛銜推官一人督捕左右理事官一人同知通判因事增減無定員經歷一人照磨一人知事一人

檢校一人司獄一人各因地方繁簡設立無定員 又順治三年裁各省掛銜推官一人 又康熙三年置雲南蒙化景東二府各設掌印同知一人 又五年以削平滇東諸酋置雲南開化府設知府同知經歷等官 又六年裁各府推官一百四十二人 又三十七年裁雲南永甯土府陞北勝州爲永北府設知府一人經歷一人將原設永甯府掌印同知改爲永北府同知 又改四川東川土府設東川府知府等官 又三十八年裁各府督捕左右理事官一人 又雍正元年改雲南麗江土府置麗江府設知府等官 又三年設雲南中甸撫蕃清餉同知一人經歷一人巡檢二人置威遠廳設撫夷清餉同知一人 又裁雲南通判三人 又四年議准四川東川府與雲南尋甸州接壤改隸雲南省 又是年雲南鎮沅土府改土歸

流 又五年改雲南鶴慶府通判移駐維西 又改四川烏蒙鎮雄
二軍民府隸雲南省 又六年議准烏蒙鎮雄地方既經改土爲流
歸併滇省置烏蒙一府設知府一人經歷一人司獄一人知事一人
通判一人駐大關堡改鎮雄土府爲州隸烏蒙府管轄 又設雲南
鎮沅府經歷一人 又七年議准雲南元江府所轄之普洱地方置
普洱一府設知府一人經歷一人所屬攸樂地方設同知一人改原
設普洱通判移駐思茅 又置雲南大關廳設通判一人裁開化府
通判一人 又八年改雲南大理府通判移駐趙州地方 又裁雲
南開化府經歷一人 又九年改雲南烏蒙府爲昭通府改昭通府
大關廳通判爲同知設魯甸廳通判一人 又十年裁雲南曲靖府
通判改設元江府通判一人駐他郎 又設雲南景東府猛統巡檢

一人 又議准雲南有水利之處同知通判各加水利銜大清會典事例 十

三年裁雲南普洱府攸樂同知案冊 是年改普洱府思茅廳通判為

同知 又乾隆二年議准雲南普洱府屬通關須文員料理改府經

歷移駐通關 又七年議准裁雲南昭通府司獄一人 又十二年

置雲南順寧府緬寧廳設通判一人 又十三年議准雲南元江府

因遠地方距府治甚遠改元江府知事移駐因遠 又十七年裁雲

南省雲南府司獄一人 又二十一年議准滇省中甸地方地關民

聚原設州判難資彈壓查楚雄府同知與知府同城竝無專司改為

中甸同知竝改鶴慶府維西通判與中甸同知俱隸麗江府 又二

十四年議准雲南曲靖臨安開化永昌永北大理等府同知均加水

利銜 又二十八年諭外省知府向為正四品而巡道各視兼銜為

差等則有三四五品之不同今道員既經裁去兼銜統爲正四品知府乃其所屬自應量爲區別著將各省知府改爲從四品 又三十年雲南武定曲靖東川元江永昌等府俱罷稱軍民府 又三十五年議准雲南龍陵地方與外夷密邇改永昌府同知移駐其地定爲龍陵廳同知 又議准武定府轄二縣一州元江鎮沅二府無首邑轄一廳一縣廣西府無首邑轄一廳二縣均不成郡改爲直隸州各裁知府一人經歷一人其元江府他郎通判鎮沅府威遠同知改隸附近普洱府廣西府五疇通判改隸附近曲靖府省姚安一府裁知府等官改鶴慶府爲鶴慶州屬麗江府裁知府等官改永北蒙化景東三府爲直隸廳仍各設掌印同知一人 又改廣南府爲直隸同知設照磨一人尋復爲府 又議准裁雲南東川府湯丹通判一人

大清會
典事例

三十六年裁鶴慶州觀音山巡檢一人設永昌府龍陵廳巡

檢一人冊案

三十九年議准雲南普洱府分防思茅廳同知地處極

邊必須添官佐理設思茅廳巡檢一人兼管司獄 又四十一年裁

雲南曲靖府五槽通判一人 又嘉慶十六年議准雲南東川二府

在省城東北東鄰貴州西北與四川接壤廣延千有餘里五方雜處

案件甲於各府該境內北界巧家地方距城四百里向分駐經歷一

員但係佐雜例不勘驗命盜案件添設同知一人又他郎廳通判向

未設有首領該處民夷雜處添設知事一人

大清會典事例

二十四年改開

化府同知為安平廳撫民同知裁澂江府司獄一人添設安平廳司

獄一人裁麗江府經歷一人

冊案

三十五年改騰越州為直隸廳設

同知改南甸州判為經歷吏目為司獄 又道光二年裁曲靖府同

知一人司獄一人大理府司獄永昌府司獄順寧府知事各一人

大清會典

例事 道光二十六年改臨安府同知為雙水塘同知咸豐二年裁雲

南府通判併同知為南關水利同知 又光緒十二年改雙水塘同

知為箇舊同知 又光緒十四年以猓黑地方戡定改設流官奏准

新設鎮邊廳並設直隸同知一人所屬知事一人下改心巡檢一人

上改心巡檢一人 又光緒十七年添設永北直隸廳分駐華榮莊

經歷一人 又改廣南府屬土富州置富州廳設通判一人

冊案

直隸州知州 一州判 吏目 巡檢

直隸州知州等官雲南省廣西州武定州元江州鎮沅州直隸州知

州各一人吏目各一人 廣西州州判一人武定州金沙江元江因遠

鎮沅州新撫巡檢各一人

大清會典事例

直隸州知州掌一州之政與知縣同爲親民之官凡刑名錢穀之事

無不親理焉雲南四人

皇朝文獻通考

直隸州知州雲南四人其規制與知府同惟無倚郭縣其所治州即以知州行知縣之事州判雲南一人所掌如府同知通判之職以貳各州而佐其政治吏目雲南四人掌禁戢姦宄防護獄囚典司簿籍

巡檢雲南三人各掌其職與各縣所屬同

皇朝通典

清初定每直隸州設知州一人吏目一人州同州判巡檢因事增減無定員 又乾隆三十二年議准直隸州知州向係從五品而統轄屬員體制與知府相等改爲正五品 又三十五年議准改雲南武定元江鎮沅廣西四府均爲直隸州各設知州吏目等官 又四十年一年議准雲南曲靖府五槽通判向隸廣西府因廣西改州以通判

隸曲靖府惟五槽距曲靖八站查察難周裁五槽通判改設廣西直

隸州州判一人

大清會典事例

光緒三十四年議准雲南鎮雄州陞為直隸

州隸迤東道裁去彝良州同

吏部議覆雲貴總督錫良奏略

知州 州同 州判 吏目 巡檢

知州等官雲南省雲南府屬嵩明州晉寧州安寧州昆陽州大理府

屬趙州鄧川州賓川州雲龍州臨安府屬石屏州阿迷州寧州楚雄

府屬姚州南安州鎮南州澂江府屬新興州路南州順寧府屬雲州

曲靖府屬霑益州陸涼州羅平州馬龍州尋甸州宣威州麗江府屬

鶴慶州劍川州永昌府屬騰越州昭通府屬鎮雄州知州各一人吏

目各一人鎮雄州州同一人南安州姚州騰越州鎮雄州州判各一

人霑益州炎松尋甸州易古宣威州可渡騰越州龍川江鎮雄州母

享巡檢各一人

大清會典事例

知州雲南二十七人掌一州之政治以縣之地大而事繁者升而置

之所統轄一如縣制

皇朝通典

其佐州同州判分掌糧馬巡捕之事其屬吏目掌輔理刑禁巡檢因

所屬分地而掌其職事

皇朝通志

清初定每州設知州一人吏目一人州同州判巡檢因事增減無定

員又康熙八年改尋甸軍民府置尋甸州隸曲靖府設知州等官

大清會典事例 裁廣西府維摩州歸併廣南府冊案三十七年升雲南北勝州為

永北府裁知州一人吏目一人又雍正五年析雲南霑益州地置

宣威州隸曲靖府設知州一人又設雲南劍川州州判一人又

六年議准烏蒙鎮雄接壤千百餘里鎮雄較烏蒙稍隘改為州治設

知州一人吏目一人州同一人駐彝良州判一人駐威信巡檢一人
駐母享隸烏蒙府 又設雲南宣威州吏目一人 又八年改雲南
趙州彌渡巡檢爲白崖巡檢改宣威州霑益驛務歸該州管理可渡
驛務歸倘塘驛驛丞管理 又十年設雲南南安州州判一人駐磬
嘉姚州州判一人駐普湖設昆陽州水利州同一人 又十一年裁
雲南宣威州倘塘驛可渡驛驛丞一人改設可渡巡檢一人兼管二
驛事 又乾隆二十一年裁雲南劍川州中甸州判一人 又三十
五年議准改雲南鶴慶府爲鶴慶州隸麗江府改姚安府爲姚州隸
楚雄府各設知州吏目等官省和曲州改祿勸彌勒師宗建水四州
爲縣各裁知州吏目等官 又四十年改雲南騰越州州判移駐南
甸 又四十三年議准裁雲南昆陽州海口州同一人 又嘉慶十

六年裁雲南大理府屬賓川州赤石崖巡檢一人

大清會典事例

二十五年裁

騰越州知州南甸州判騰越州吏目各一人 又光緒三十四年議

准鎮康州土知州改歸流官管理置永康州設知州等官隸永昌府

管轄

案冊

知縣 縣丞 巡檢 典史

知縣等官雲南省雲南府屬昆明富民宜良呈貢羅次祿豐易門七

縣大理府屬太和雲南浪穹三縣臨安府屬建水通海河西嶧峨蒙

自五縣楚雄府屬楚雄定遠廣通大姚四縣澂江府屬河陽江川二

縣廣南府屬寶甯一縣順甯府屬順甯一縣曲靖府屬南甯平彝二

縣麗江府屬麗江一縣普洱府屬普洱一縣永昌府屬保山永平二

縣開化府屬文山一縣東川府屬會澤一縣昭通府屬恩安永善二

縣廣西州屬師宗彌勒邱北三縣武定州屬元謀祿勸二縣元江州屬新平一縣鎮沅州屬恩樂一縣知縣各一人典史各一人昆明縣師宗縣永善縣縣丞各一人建水縣曲江彌勒縣竹園村南甯縣白水新平縣揚武壩會澤縣待補者海巡檢各一人

大清會典事例

知縣掌一縣之政親理民務其責任與知州同雲南三十九人縣丞

分管糧馬巡捕河防之事雲南三人

皇朝文獻通考

各縣知縣平賦役聽治訟興教化厲風俗凡養老祀神貢士讀法皆躬親厥職而勤理之其屬巡檢掌緝捕盜賊盤詰奸偽典史掌監察

獄囚

皇朝通典

清初定每縣設知縣一人典史一人縣丞主簿巡檢驛丞因事增減無定員 又順治三年裁各省縣主簿缺 又康熙三十二年改雲

南平彝衛置平彝縣隸曲靖府設知縣典史等官 又雍正五年議
准雲南東川府巧家營地方逼近烏蒙距府甚遠以其地置會澤縣
隸東川府設知縣一人典史一人其待補地方距府百里則補地方
遠在江外各設巡檢一人 又六年議准雲南烏蒙府屬米貼地方
距府治西北三百里控馭險要以其地置永善縣隸烏蒙府設知縣
一人典史一人 又設雲南恩樂縣典史一人 又七年議准雲南
東川府地方遼闊前於巧家營增置會澤縣該縣距府五站小民輸
納維艱改爲東川附郭首縣以府經歷分駐巧家營 又議准雲南
開化府接壤交趾地方遼闊置文山縣設知縣一人 又改雲南永
善縣典史移駐烏蒙井底汛 又八年議准雲南開化府屬文山一
縣添設典史一人 又十年改雲南臨安府屬之新平縣歸元江府

管轄 又十三年置雲南甯洱縣隸普洱府爲府治設知縣典史等

官 又乾隆元年議准雲南廣南一府事務殷繁向未設縣知府一

員實難總理添置附郭寶甯縣設知縣一人典史一人 又二十年

議准裁汰各省驛丞雲南六人將驛站錢糧歸各該州縣管理 又

三十五年議准改雲南祿勸彌勒師宗建水四州爲縣以順甯府地

置順甯縣爲府治以麗江府地置麗江縣爲府治各設知縣一人典

史一人 大清會典事例 三十九年裁嶺峨縣興衣鄉巡檢一人 案冊 嘉慶十六

年議准雲南東川府屬會澤縣典史向來分駐者海應移駐府城改

則補巡檢移駐者海地方爲者海巡檢以資彈壓 大清會典事例 嘉慶二十四

年設文山縣縣丞一人駐江那 又二十五年裁會澤縣待補巡檢

一人設大姚縣苴卻巡檢一人 又道光五年裁恩樂縣添設邱北

縣隸廣西直隸州 又咸豐四年裁騰越龍川江巡檢移南甸經歷

於龍川江後復移於界頭練册案光緒三十四年議准裁永善縣副官

村縣丞改置靖江縣設知縣典史各官隸昭通府 又裁鎮雄州彝

良州同改設彝良縣設知縣典史各官隸鎮雄直隸州 又裁永北

直隸廳屬北勝土知州一員華榮莊舊衙坪分防經歷各一員併同

改置華坪縣設知縣典史各官隸永北直隸廳吏部議覆雲貴總督錫良奏略

鹽課司提舉 大使

鹽政等官雲南巡撫兼鹽政一人鹽道一人琅鹽井黑鹽井白鹽井

提舉各一人黑鹽井白鹽井安豐井阿陋井香鹽井按板井彌沙井

大井麗江井鹽課司大使各一人鹽道庫大使一人大清會典事例

鹽課提舉司提舉雲南三人分司產鹽之地而糾察之鹽課司課大

使雲南九人

初級副使康熙五十年裁

掌鹽場及池井之務凡有鹽之區聽民闢地爲

場置竈開畦爲鹽而授之商以鹽課大使掌其政令治其交易審其

權衡而平準之日稽其所出之數以杜私販之源

皇朝通典

清初定各省行銷地方鹽法多由守巡道兼理雲南提舉司提舉三人吏目一人經歷知事並所屬鹽課司大使皆因事設立無定員

又雍正三年裁雲南鹽課大使一人改設驛鹽道衙門庫大使一人

又七年議准設雲南普洱府猛烏整董二處鹽大使各一人 又

十年裁雲南磨者井烏得井鹽大使各一人添設白石谷井復隆井

鹽大使各一人裁琅鹽井吏目改設大使一人 又乾隆六年裁雲

南驛鹽道經歷一人雲龍州順邊井大使一人 又二十二年議准

雲南威遠同知所管按板恩耕二井鹽場相距窳遠改歸鎮沅府知

府就近管理 又四十三年議准裁雲南復隆井大使歸併黑鹽井
大使管理裁白石谷大使歸併白鹽井大使管理 又嘉慶六年改
雲南抱母井為香鹽井大清會典事例道光十二年裁劍川州屬彌沙井鹽大
使一人 又道光二十六年移抱香井大使駐石膏井 又同治十
三年移麗江井大使駐喇雞鳴井 又光緒元年移琅井提舉於石
膏井石膏井大使移駐磨黑井白井大使移駐喬后井案冊

文職各官品級

總督兼都察院右都御史兵部尚書銜從一品 巡撫兼都察院右
副都御史兵部侍郎銜正二品 布政使從三品 提學使正三品
提法使正三品 道員正四品 知府從四品 同知直隸州知
州正五品 知州鹽課司提舉從五品 通判正六品 布政司經

歷直隸州州同從六品 知縣按察司經歷府教授同知教授正七品 直隸州州判從七品 布政司庫大使鹽道庫大使府經歷縣丞鹽課司大使州學正縣教諭正八品 府州縣訓導從八品 府知事正九品 州吏目按察司司獄府司獄同知司獄巡檢從九品 僧都綱道都紀醫正科陰陽正術同 縣典史未入流典科州醫官訓科縣醫官典術州陰陽官訓術縣陰陽官副都綱府僧官僧正州僧官僧會縣僧官副都紀府道官道正州道官道會縣道官同

提督

提督掌統轄本標官兵及分防營汛節制各鎮閱軍實修武備課其殿最以聽於總督雲南一人駐大理府節制臨元開化騰越鶴麗昭通普洱六鎮本標五營初提督帶左都督右都督銜者正一品帶都

督同知銜者從一品帶都督僉事署都督事者正二品乾隆十八年
省都督等銜定爲從一品

皇朝
通典

總兵 副將

總兵雲南臨元鎮開化鎮騰越鎮鶴麗鎮昭通鎮普洱鎮各一人掌
其鎮之軍政統轄本標官兵及分防各營協將弁而受成於提督臨
元鎮駐臨安府光緒十三年移駐蒙自縣本標中左右三營分防二
營開化鎮駐開化府本標中左右三營分防一協一營騰越鎮駐騰
越州本標中左右三營分防二協一營鶴麗鎮駐鶴慶州本標中左
右三營分防一協一營昭通鎮駐昭通府本標中左右前四營分防
二營普洱鎮駐普洱府本標中左右三營副將雲南督標一人曲尋
協楚雄協永昌協龍陵協維西協各一人各掌其分地之軍政以整

飭行伍參將以下之在其分內胥隸焉

凡副將之為總督統理營務者曰督標中軍副將 皇朝通典

參將 遊擊 都司 守備 營千總 把總 外委把

總

雲南參將十有二人遊擊十有八人都司十有六人

初設有行掌印都司僉書及都司經歷斷事俱雍正二年裁

守備四十有七人營千總九十有七人把總三百二人各掌其防汛

之軍政練飭營伍以聽於其長

凡參將之為提督及巡撫統理營務者稱提標中軍參將撫標中軍參將遊擊之為總兵統理營務者稱鎮標中軍遊擊都司之為副將統理營務

者稱協標都司

外委把總三百一人

皇朝通典

陸軍鎮協標營

宣統元年雲南成立陸軍第十九鎮設鎮統一人每鎮步隊二協每

協二標每標三營每營四隊有馬礮隊各一標每標均三營每營馬

四隊礮三隊有工程隊一營每營四隊有輜重隊一營每營四隊步

礮工輜每隊各三排每排三棚馬隊二排每排二棚每棚目兵十四名計全鎮官長兵夫一萬二千五百十二員名步兵第七十三四兩標及騎兵礮兵第十九標工兵輜重兵機關礮兵第十九營駐防省城步兵第七十五標駐防臨安七十六標駐防大理與永昌騰越此外無新軍駐防各處仍由巡防各營駐防

案冊

按光緒三十三年陸軍部奏定全國陸軍應編鎮數雲南兩鎮查該省控制西南邊徼亟宜厚集兵勢以資防守現在已編步隊一協礮隊二營應限五年籌餉添練於限內編練足額云云至是始成立第十九鎮一鎮宣統三年九月雲南光復其制遂廢

武職各官品級

提督從一品 總兵正二品 副將從二品 參將正三品 遊擊

